

## MEMORIA DE TRANSPARENCIA DO CONVENIO MARCO DE COLABORACIÓN ENTRE A AXENCIA GALEGA DE DESENVOLVEMENTO RURAL E O CLÚSTER DA BIOMASA DE GALICIA

A Axencia Galega de Desenvolvemento Rural (en diante Agader), adscrita á Consellería do Medio Rural, é unha axencia pública autonómica dos previstos no artigo 45 a) da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo que promove e coordina o desenvolvemento rural en Galicia para mellorar a calidade e as condicións de vida dos habitantes do medio rural e contribuír á cohesión do territorio galego. A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Agader como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia.

ANTECEDENTES.- As áreas rurais constitúen elementos esenciais na loita contra o cambio climático e no logro dun desenvolvemento sostible a escala local. É preciso lograr un desenvolvemento sostible e de mitigación do cambio climático a través da transformación dos actuais modelos enerxéticos para consolidar unha economía baixa en carbono promovendo, desde o ámbito local, a xeración e autoconsumo de enerxía que acade impactos positivos sobre o desenvolvemento rural permitindo a diversificación da actividade produtiva, e o aforro na factura enerxética dos consumidores sexan particulares ou empresariais.

Ambas entidades, dada a confluencia de intereses comúns, están interesadas en levar a cabo unha colaboración a longo prazo para impulsar o desenvolvemento do sector da Biomasa de Galicia a través dun conxunto de actuacións que favorezan a mellora competitiva do sector e impacten de maneira directa na mellora das condicións de vida no medio rural galego.





OBXECTO.- O obxecto xeral do presente convenio consiste no deseño e posta en marcha dunha serie de accións que impacten de maneira significativa na mellora da calidade de vida dos habitantes do medio rural así como na competitividade das empresas rurais facilitando a súa necesaria transformación dixital e ecolóxica, mediante o fomento do uso da biomasa local, potenciando a autosuficiencia enerxética e aproveitando as sinerxías con outras figuras socioeconómicas do medio rural galego como son os Grupos de Desenvolvemento Rural ou as Comunidades de Montes.

En particular o presente convenio marco contempla os seguintes obxectivos específicos:

- Apoiar con información e acompañamento as iniciativas privadas que desexen impulsar proxectos vencelladas a valorización da BIOMASA como fonte de enerxía renovable e autóctona con impacto no medio rural.
- Potenciar o ecosistema da bioenerxía para que se estenda polo rural galego co obxectivo da independencia enerxética e da eliminación de combustibles fósiles.
- Mellorar o grao de autonomía enerxética da poboación e empresas residentes no medio rural galego.
- Explorar vías de financiamento para o impulso de proxectos estratéxicos de interese común para ambas partes especialmente no eido da implantación no rural de tecnoloxías bioenerxéticas.
- Organización conxunta de eventos de comunicación e divulgación que favorezan a difusión de boas prácticas e dean a coñecer experiencias innovadoras e de economía circular no medio rural.
- Establecer unha canle aberta de comunicación entre as partes co fin de compartir información de relevancia para o deseño de proxectos.

Estos obxectivos, tanto xerais como específicos, son comúns aos fins perseguidos por ambas partes para poder subscribir o convenio referenciado no encabezamento.

O presente convenio marco de colaboración terá unha duración de dous anos a contar desde a data da súa sinatura e poderá prorrogarse automaticamente por ambas partes de mutuo acordo, salvo denuncia por algunha de las partes con una antelación mínima de seis meses á data de vencemento ou de calquera das súas prórrogas.





FINANCIAMENTO.- O convenio marco que se quere subscribir non conleva contraprestacións económicas para as partes. Serán as propias addendas que se anexen o presente convenio as que regulen de xeito específico as obrigacións económicas pactadas en cada caso.

Existe converxencia de intereses das partes asinantes que exclúen o ánimo de lucro en orde á consecución do obxecto referido.

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fóra do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, obsérvase o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela na data da sinatura dixital.

A directora xeral

Inés Santé Riveira

